



Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Civil Protection Administration

Broj: 06-11-1143-11/23  
Sarajevo, 30.11.2023. godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama („Službeni glasnik BiH“, broj: 39/14 i 59/22), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), na Preporuku Komisije za nabavku, broj: 06-11-1143-8.1/23 od 16.11.2023. godine, u postupku javne nabavke roba: „Uniforme“ za LOT 1 - Uniforme za Gorsku službu za spašavanje, direktor Kantonalne uprave civilne zaštite Kantona Sarajevo, d o n o s i

## **ODLUKU O PONIŠTENJU POSTUPKA JAVNE NABAVKE**

### **Član 1.**

Poništava se postupak javne nabavke roba: „Uniforme“ za LOT 1 - Uniforme za Gorsku službu za spašavanje, u skladu sa članom 69 stav 2. tačka d) Zakona o javnim nabavkama ("Službeni glasnik BiH" broj: 39/14 59/22), iz razloga što je u propisanom roku za dostavljanje ponuda zaprimljena samo jedna (1) ponuda ponuđača AquaBalkan d.o.o. Konjic, koja je nepravilna jer nije dostavljena u skladu sa zahtjevima postavljenim u tenderskoj dokumentaciji zbog čega nije prihvatljiva za ugovorni organ.

### **Član 2.**

Za realizaciju ove Odluke zadužuje se i ovlašćuje Komisija za nabavku roba: „Uniforme“ za LOT 1 - Uniforme za Gorsku službu za spašavanje i Sektor za materijalno-finansijske poslove Kantonalne uprave civilne zaštite Kantona Sarajevo.

### **Član 3.**

Ova Odluka će se objaviti, u skladu sa članom 70. stav (6) Zakona o javnim nabavkama, na web stranici Kantonalne uprave civilne zaštite Kantona Sarajevo, ([www.kucz.ks.gov.ba](http://www.kucz.ks.gov.ba)).

### **Član 4.**

Ova Odluka stupa na snagu danom donošenja i dostavit će se u skladu sa članom 71. stav (2) Zakona o javnim nabavkama svim ponuđačima koji su učestvovali u postupku javne nabavke.

## **O b r a z l o ž e n j e**

Postupak javne nabavke roba: „Uniforme“ za LOT 1 - Uniforme za Gorsku službu za spašavanje pokrenut je Odlukom o pokretanju postupka javne nabavke, broj: 06-11-1143/23 od 29.08.2023. godine.

Predmetni postupak nabavke je proveden putem otvorenog postupka javne nabavke, postavljanjem TD i izmjena TD na Portal javnih nabavki.

Procijenjena vrijednost javne nabavke „Uniforme“ za LOT 1 - Uniforme za Gorsku službu za spašavanje iznosi 207.900,00 KM (bez uključenog PDV-a).

Komisija za nabavku je imenovana Odlukom, broj: 06-11-1143-1/23 od 29.08.2023. godine.

Obavještenje o nabavci, broj: 282-1-1-88-3-49/23 objavljeno je dana 29.09.2023. godinena Portalu javnih nabavki, kao i tenderska dokumentacija. Sažetak Obavještenja o nabavci dana 29.09.2023. godine poslano je na objavu Službenom glasniku Bosne i Hercegovine, a objavljeno je u „Službenom glasniku Bosne i Hercegovine“, broj 69/23, dana 06.10.2023. godine.

Komisija za nabavku dostavila je direktoru Kantonalne uprave civilne zaštite, Zapisnik o pregledu i ocjeni ponude, broj: 06-11-1143-7.1/23, Preporuku o poništenju postupaka predmetne nabavke broj: 06-11-1143-8.1/23 od 16.11.2023. godine i Izvještaj o provedenom postupku javne nabavke broj: 06-11-1143-9.1/23 od 16.11.2023. godine.

Na osnovu dostavljenog Izvještaja o provedenom postupku javne nabavke robe: „Uniforme“ za LOT 1 - Uniforme za Gorsku službu za spašavanje utvrđeno je da u predmetnom postupku zaprimljena blagovremeno jedna (1) ponuda ponuđača AquaBalkan d.o.o. Konjic koja je nepravilna jer navedeni ponuđač nije dostavio garanciju za ozbiljnost ponude na način propisan odredbama člana 3. st. (1) i (2) Pravilnika o formi garancije za ozbiljnost ponude i izvršenje ugovora ("Službeni glasnik BiH", broj 90/14) te je njegova ponuda ocijenjena kao neprihvatljiva za ugovorni organ, čime su se stekli uslovi za poništenje postupka javne nabavke.

U postupku ocjene provedenog postupka predmetne nabavke, rukovodilac Ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno, da je Komisija za nabavku u svemu pravilno postupila, te da je Preporuka o poništenju postupka javne nabavke data u skladu sa odredbama Zakona o javnim nabavkama, podzakonskim i općim aktima.

Iz navedenih razloga, primjenom člana 69. stav (2) tačka d), člana 70 st. (1), (4) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.



#### **Dostaviti:**

- Sektoru za materijalno-finansijske poslove KUCZ KS
- [www.kucz.ks.gov.ba](http://www.kucz.ks.gov.ba)
- a/a